


IBOI

TAV LOL LA IMA SABUGA.

HYMNS, RAGA, NEW HEBRIDES.

782.27 RAG



A. Lafell.
5.10.27.

IBOI


TAV LOL LA IMA SABUGA.

HYMNS, RAGA, NEW HEBRIDES.

MOORE THEOLOGICAL COLLEGE LIBRARY



3 2042 10014943 8



GIGIGIRI HURI IBOI.

	<i>Week 1.</i>		<i>Week 2.</i>		<i>Week 3.</i>	
	<i>M.</i>	<i>R.</i>	<i>M.</i>	<i>R.</i>	<i>M.</i>	<i>R.</i>
Mon.	73	28	59	20	27	96
Tues.	72	87	32	9	48	91
Wed.	33	2	7	8	11	106
Thurs.	13	88	34	18	97	17
Fri.	35	63	89	64	16	44
Sat.	81	3	10	90	36	94

	<i>Week 4.</i>		<i>Week 5.</i>		<i>Week 6.</i>	
	<i>M.</i>	<i>R.</i>	<i>M.</i>	<i>R.</i>	<i>M.</i>	<i>R.</i>
Mon.	31	80	1	5	6	4
Tues.	92	21	19	98	74	25
Wed.	12	99	95	26	79	22
Thurs.	93	85	76	75	78	82
Fri.	65	33	83	77	29	14
Sat.	15	57	89	23	84	24

IBOI HURI GUQEN SABUGA.

Advent—37, 2, 10, 13.

Christmas—38, 39, 40, 31, 32, 58, 59.

Carol 1, 2, 3, 4.

Visirai—41, 60, 32, 94.

Carol 2, 4.

Davdovonana—7, 84.

Ash Wednesday—Lent—42, 43, 61, 83, 95.

Palm Sunday—62, 108.

Week Sabuga—Good Friday—89, 44, 63, 64, 65, 33, 35.

Guqen Tavigi—36, 81.

Easter—45, 46, 66, 109, 30, 83.

Hae Mulei—47, 13, 34, 84, 97.

Whitsunday—48, 110, 24, 25, 67.

Trinity—49, 87, 14, 19.

Ma dau Jesus lol Ute Sabuga—S. Mary—71, 80.

Lolmatan Jesus ma dori (*Aug. 6*)—105, 84.

Ira Sabuga—56, 102, 103, 104, 3.

Guqen Ember—69, 18, 94.

Guqen Navnavohi—17, 22, 72, 82, 93.

Ganisabuga—50, 51, 68, 111, 105, 85, 79, 80, 1, 81, 44.

IBOI GAHA.

1.

Atat non God ram do vauhi
Tuai a Misraim ;
Ta God ma lol maluera,
Gin liman i Moses.

Kera ram lago lol tahi
Kun la ute vuroi ;
Ram gan manna, ram minu wai,
Ma rovo nin vatu.

Kea ma domuai gorora
Taulu navul gaivas,
Vai votu vanua ma dovoe
Lalai Abraham tuai.

Gida mulei atat vauhi
Tam do aben Satan ;
Ta God ma hora Jesus mai,
Na varahu gida.

Ma lai gida gin wai mauri
Vai lol rahuana ;
Garuhi-sabuga gida gin
Dagana sabuga.

Ma banan gida gin manna,
Gin vihogona nan,
Lai gida la ute vuroi
Vai votui Canaan. Amen.

2.

Avoana ma hi mai,
Kea masin Mataisao ;
Ma mai la ute meto,
Masin Gigitana.

Ma qalo aben Satan,
Ma barahu gida,
Ma mate huri gida,
Ma demare mulei.

Uloilua sabuga
Ma seserai huria ;
Gin Gigiri sabuga
Ma hogoi lalainia.

Ke muan ginan keki,
Masin heren hala ;
Tas hago bulainia,
Tasav taleva tehe.

Gai huhuin halada
Vai ute amare ;
Jesus ma lol vatuwai
Tanoda abena.

Lord, hogoi lalai kamai,
Gav lala hurinia,
La halan rahuana,
Vai votu tanomai. Amen.

3.

Bulgaituwa tabetabe,
Gaon bulbul tavuha ;
Ira Angel alun mahao,
Ra atatu lol tano ;
Vi hav mos te bulgaituwa,
Maira mate, maira maur.

God ma dan gida wuwuri,
 God Tamada dului ;
 Christ ma hara bul sineda,
 Christ Tuada dului ;
 Ma uwi rahu aluda,
 Tam do bulbul gin Vui.
 Qatun gigita gaituwa,
 Tam marani dului ;
 Qaga masigi gaituwa,
 Wai rahuva ma rov lua ;
 Hinaga mutai ma hivo,
 Gada hage gaituwa.
 Ata hage, ata hivo,
 Ureure dului,
 Vanua rigi, vanua lavaa,
 Vataba sinobu nan ;
 Kea ma dau, ma riqes gida,
 Ma gaos gida noto.
 Gida gaiviha nan teti,
 Tuada sinobu tar ;
 Gida *yogo* bulbul gida,
 Varavara haehae mat.
 Kea ma dotomua hage
 Ma sisiba taguda.
 Gida ! lol avkari teti,
 Siloda kun silon wai ;
 Gida ! atamare, gida !
 Samalaga, taburi !
 Gida lol iboi avkari !
 Bulgaituwa tavuha ! Amen.

4.

Christ masin gigita,
 Gov gigita kamai
 Lol ute metmeto ;
 Gav gigita mulei.

Ate vai alumai,
Gitagoro kamai,
Bere gam daleva
Nin masin halama.

Gov tomuai kamai,
Gav huri tagaro
Masin malelema,
Gav huri taguma.

Gogo goro kamai,
Gav tu la *gigima* ;
Gov avinai kamai
Vai alun qaqama.

Lord, gav tabe kamai,
Ira nitnituma ;
Gov lai atmatemai
Amare abema. Amen.

5.

God ma dau atatu men
Memearu tavuha.
Ma bari didi bulbul,
Ma bano nin Tamana.

Kea ma rovo nin Rahu,
Hage ma matemate ;
Ma rovo nin Tabeana,
Qaloana ma bora.

God ma gita atatu
Ma hav huri te non leo ;
Hage men lol bamate,
Huri nora bahala.

Kera ram min dului,
Magahera Noah sigai,
Huri nora memearu
Ram do bul radu mai God.

Hage ira nitun Noah
Ma hara bora mulei,
Ma daleva haut nin God,
Ma hav ron te non leo.

Gida tam bisalsala,
Dogo lenlena nin God ;
Jesus, Nituna ma mai,
Tam memearu mulei. Amen.

6.

God ma dau ginan dulnai
Gin Nituna, Lord gida :
Non Vui ma ov goro
Ulun wai la dauana.

God ma derai mat Nituna,
Ma hi mai mai non Leo :
Non Vui ma lol gida
Tamen ilo dum huria.

God ma mahina Nituma,
Ma mate huri gida :
Non Vui ma lol gida
Tam binihimasiginia.

God ma gaos gin Nituna,
Gida gi ra nituna :
Non Vui ma lol bora
Lol Garuhisabuga.

Vui non Christ si to abeda
Gida ira tihin Christ ;
Tav to bulbul mai Tata
Gin Vui non Nituna. Amen.

7.

Iha sigai te *nan* hatata,
Iha sigai amare *nan* ;
Ma hav vora tehe dadariha
Huri Jesus, Varahuda.
 Iha tavuha mutaigi,
 Rorono, Holomare,
 Jesus, i Varahu !

Angel Gabriel ma seserai
Lalai Mary Taqalugu,
God ma huri ihan bavavana,
Re rai vevea be Jesus.
 Iha tavuha.....

Pilate mulei ma rav ihana
I ma boha bamatea ;
Keki Jesus Christ ta Nasareth,
Ratahigi a Israel.
 Iha tavuha... ..

Iha gaha ma do radu *nan*,
Rorono be men lol rahu ;
Va vi hara *gogo* atatuna,
Va vi hago ureure.
 Iha tavuha..... Amen.

8.

I Matanhala Igigo,
 Rahu, Toalolon ;
Vi hige Tata abena,
 Vi hige dum nano.

Masig ! avoana noma
 Ma bagahi kamai ;
Vi iloilo abema,
 Gigo qatun masig.

Rahuana ! qatun rahu,
Domareanmulei !
Ram biuihimasigigo,
Ram mauri, ram rahu.

Hala, Masigi, Rahuan !
Huhui halamai,
Vagahi kamai gin masig,
Lai rahu vai tuai. Amen.

9.

Jerusalem atamare,
Qatutun vanuagu !
Matak ma doron maragai
Nav gita gulima.

Matgatava vat legiga,
Sarana gold anoga,
Arana vat raraniga,
Ma boha tavuha.

Vi man dagai nin matada
Mataruan matada :
Gagarasi, mateana,
Vi vorai vina nan.

Sigai lenlena metmeto,
Ma gigita vatuwai ;
Qatun gigita aben God,
Non alo Jesus Christ.

Ira Hala, Prophet, Martyr,
Ram gogo bul hagaia
Maira vatugi sabuga,
Ram do mahuri aia.

Lord Jesus, dadarihaiau,
Nav togo dum abema ;
Nai vev rovrovo roroma
Lol nom Jerusalem. Amen.

10.

Jesus alun mahao,
Dai qeroma mai ;
Gam bev rovrovi
Sarisarima.

Gigo nan rorono,
God Ratahigi ;
Ta be gov rorontai
Nomai avkari !

Gam madamadaga,
Sinemai hantai ;
Dede hae lolomai
Gamen tabego !

Radai goro kamai
Nin qatigoro ;
Lol kamai gav tabe
Masin siloma !

Gov alovi kamai,
Gav hae abema,
Gai van notonoto,
Votu dumigo. Amen

11.

Jesus lolotabe ;
Jesus, Nitun God !
Varuhu hagavi,
Rorontai kamai.

Dau dagai vuromai,
Tug gao vauvauhi,
Lin ra nitnituma,
Gam dei hurigo.

Gov dede lolomai,
Be gav tabego ;
Be gav dara alun
Nom avoana.

Gov tomuai kamai,
Lai lua kamai
Nin ute metmeto,
Vai lol gigita.

Jesus hahagavi !
Lolotavuha !
Lol barahu kamai,
Gam dei hurigo. Amen.

12.

Jesus ma bora a Bethlehem,
Ma gaivuaga a Nasareth,
Ma do *nanava* a Galilee,
Ma mate a Jerusalem.

Ma seserai huri silon God,
Ra matagara ram gita ute,
Ra silovono ram awo dum,
Ra qerovono ram *ron* dum.

Ra lugu ram ban dadaligi,
Ira *sanere* ram lien mulei,
Ira harova ram rahu *nan*,
Atmate ram domare mulei.

Lol bora, Lord, mulei kamai,
Binihimasigi vi gaivua,
Gov to abemai vai tuai,
Lol bamate qatigoro.

Kamai gav gita lolmatama,
Kamai gav avkari ihama.
Gamen *ron* dum huri siloma,
Gamen siv huri taguma.

Atmatemai vi siv qarumrum,
Siqenimai vi tavuha mulei,
Gav tomare, gav hae hurigo,
Rahu abema vai tuai. Amen

13.

Lord Jesus ma hae mulei,
Vai la masin tanona ;
Ma dataro lalai God
Huri gida dului.
 Uloi roron Jesus Christ,
 Nu roron ureure.

Kea ma bol mulei gida
Nin tanon gagarasi,
Ma dug gaon vauvauhi
Ma bivih atatu,
 Men lai gida huri God
 La tanona sabuga.

Ma dogo sarisari
Vai guqen hara gogo ;
Ira wani vol nona
Rav siv to bul abena.
 Kea ma rihu maragai
 Uloi roron ihana.

Ma sis gaituwa mulei
Ra atatu alun God ;
Ma bul sineda mai God
Gin Nituna, Jesus Christ.
 Muramura, Varahu
 Ma qalo vol rahuda !

Lol iboi avkari
Lalai Ratahigi mau !
Atatu maira Angel
Lol gaivua maragai !
 Alleluia lalai Lord,
 Varahu ma hae mulei. Amen.

14.

Nam binihimasigi Tata,
Nu tauan i ginan gaha ;
Ma lai Nituna, Lord gida,
Men vagahi gida hantai.

Nam binihimasigi Jesus,
Ma bora aben Taqalugu,
Nu mate, ma rahu mulei,
Ma hae mulei vai amare.

Nam binihimasigi Vui,
Vui Sabuga, i Turai ;
Nu lol sabuga irahei
God ma *gaos* gi nituna.

Nam uloi tavuha Gigo,
Tata rorono, tavuha,
I Jesus Christ, Nituma mau,
Gitol gaituwa mai Vui. Amen.

15.

Nam doron be nai vasogo
Huri Jesus, Nitun God ;
Kea ma hivo mai amare,
Be vi varahu gida.

Huri kea ma la an vanua,
Ma durara hagavi ;
Ma bagahi ra *leulena*,
Barahura harova.

Ma hav hagai te hinona,
Ma hav huna te ihei,
Ma lai *gogo* ra qagele,
Ma gigita lolora.

Ma av lumlum qatigoro,
 Ma bev sera silon God ;
 Ma hav sav te na rovoga,
 Ma hav mos te lalago.
 Ma hav sabusabu tehe
 Ram siburai hantainia ;
 Ma dataro la volvolo
 Hurira ram wehia.
 Nam basogo huri Jesus,
 Huri Jesus Varahuku ;
 Nam sisinarai aluna,
 Lolok ma mosmos huria. Amen.

16.

Rahuana ma rovo mai
 Nin Jesus Christ i Lord ;
 Ma dau qatuna tuai mau,
 I si hav nogo tehe.
 I Lamb non God ma hivo mai,
 Men lai *gogo* non sheep,
 Ma salsala, ma daleva,
 Rav togo bul mulei.
 Gin Dagana nu sabuga
 Ma rovo a Calvary,
 Ma bol mulei non sinobu ;
 Rahuda wolina.
 Lord, tuan binihimasigi,
 Lai *gogo*, barahu,
 Ira rovo mai hurigo,
 Rav butu mahuri.
 Gov to bulus kamai, Jesus,
 Gav rihu maragai ;
 Lai kamai, gav mabuharai
 La ute noma, Lord. Amen.

17.

Tanon liman God dului,
 Vataha vanua ;
 Ma seserai lalai gida,
 Huri God rorono.

Vataha gina dan gaha,
 Amare i ataa ;
 Ma hubni lua Taura,
 Tai binihi dumia.

Mahao alun ureure,
 Ma dogo dalisi ;
 Ma dovoi tabeana
 Ma dalis goro God.

Vula ma gigigita gin
 Sarisarin alo ;
 Ma dovoi Uloilua
 Christ ma gigitainia.

Hogoi ma hivo mai ninia,
 Rani, rahuana ;
 Atatuna ram ronoe,
 Kun vatugi visiu.

Idanoi ma lonahi
 Hinaga ma lulu ;
 Hogoi atala liman God
 Ma lonahi gida.

Raranin gabi, dumin lan,
 Roron tahi mulei ;
 Ma seserai huri Taura
 Be masin rorono.

Lord, matakua ma gitara,
 Na vagahi lolok ;
 Nam gita tavaluna nan,
 Nav tabe maragai. Amen.

18.

Tata, gom lus tuai
Maligo dluwai
Gin avoan.
Lol ira lenlena,
Vataha vanua,
Ram la la maligo,
Kera maran.

Christ, gom mai mai huba
Silo tabeana,
Silo masig.
Gov lol barahura
Vataha harova ;
Gov lalainira,
Kera maran.

Vui, qatun turai,
Gigita siqeni,
Buluira
Ram dogo daltali,
Ram dadaloiga ;
Gigita lolora,
Kera maran.

Tata, Nitui, Vui,
Gitol gaituwa nan,
God rorono !
Lol ira lenlena,
Vataha vanua,
Ram lala maligo,
Kera maran. Amen.

19.

Tata Sabuga, gom uloian,
Inau nituma, nam sala ninigo ;
Gov tug kaburai vurok niniau,
Nav siv tabagil hurigo.

Lord Jesus Christ, gom hivo huba mai
Mai nom rorono, sarisarima ;
Gov ron hagavi nogu mahorhor,
Varahuk, hahagaviau.

Vui Sabuga, qatun tavuha,
Nam butuau watuwai aluma ;
Gom wareau, nai van sosorigo,
Masin Turai, lol rahuaa.

God rorono, Tata, Nitui, Vui,
Tamak, Varahuk, Lol sabuga inau ;
Nam sariau hurin qalagema,
Gomen gitau mai nituma. Amen.

20.

Tomare hae, atatun Christ,
Atatu gita lua,
Lala mai Vui tagaro
Lala vai tanona.

Suwai kimiin, atatun Christ,
Ma weswesi watuwai ;
Rov butbutui hurinia,
Luslusi ataguna.

Garere matu, atatun Christ,
Matanhala ma nanava ;
Giv vev rorono aben God,
Giv tutu bibin nan.

Gim qalo hurin gigin Christ,
Giv rihu maragai ;
Gim barahi malelena,
Giv hae dum amare.

Lol tanon noda mahuri,
Lol tanon samara,
Giv uloiroron Tamada,
Mosmosiana sigai. Amen.

21.

Uloilua ma dogo
 Alun i Christ i Lord,
 Ma dau, ma bol muleinia
 Gin daga i gin wai ;
 Avoana ma hivo,
 Ma seserai masig,
 I gin mateanana
 Bol rabu lalainia.

Uloilua ma dogo,
 Iman God Tamada ;
 Ma gaos alolona
 Ra bora gin Vui ;
 I ira gita lua
 Nituna ram gogo
 Halteti, hivo, hage,
 Atatu dului.

Rani ma do lol ima,
 Bon meto avare ;
 Vataha bon ma bete
 Gar ginaganian ;
 Bulgaituwa tavuha,
 I leo tamata,
 Tarua ram do bulbul
 Lol masin tabeva.

Ma hogan alolona
 Bread vui, wai vui,
 Hogoi alun hogoi,
 I si hav nego tehe.
 Vi lai hogoi gaituwa,
 Biuihimasigi,
 Doron hohov gaituwa,
 Vava ute vi mai.

Tata ! ra nitnituma
Vatavuha Gigo ;
Ra wani vol noma, Lord,
Vatavuha Gigo ;
I Gigo, Vui, gom loli
Be rav to sabuga ;
Uloilua dului
Ma uloi roron God. Amen.

22.

Vatavuha God amare,
Vui, Angel dului ;
Uloi roron ihana,
Alo, vula, visiu.
Kea ma dau, ma hora leo,
Si hav vorai vina te ;
Dari qatuna amare,
Atalol tano roro aluna.

Ute vusi, boha silo,
Ililai, gai lol utevon,
Higao ma magibegibe,
Lol iboi lalai God.
Wai rovrovo, samsamara,
Tahi dumdum nom iboi,
Seserai sarisarina,
God qatun ginau, qatun tavuha.

Garian God, ra ginau rahu,
Boe, manu, ige mulei,
Kea ma buvuge qaqana
Ma lai gamiu hinaga.
Atat gaha, bev rorona
Lol iboi iloute ;
Malagelo i daulato,
Naturigi, Tamaragai.

Vatavuha God i Tata,
 Ma dau ginau dluai.
 Vatavuha God Nitui,
 Ma bolmulei huba gida.
 Vatavuha God i Vui,
 Qatun rani i rahu,
 Avkari sarisarina,
 Sabuga, Sabuga, Sabuga, Lord.
 Amen.

23.

Vatutu, Vat Varahu,
 Vat sivigi hurian ;
 Wain vurok, Dagan rahuk,
 Ma rovo nin gagauma ;
 Lol halana tavuha,
 Nam hili qatigoro.

Nam rihu holhole nan,
 Nam bahala, salsala ;
 Garevok si mate tau,
 Deiana si goea,
 Nasav vol te vurok dum,
 Keki noma, noma nan.

Wolin tabego sigai,
 Nam dule la volvolo ;
 Sagau, nam do vuroi,
 La maiau, nam lala nok,
 Nam bibili, boboga,
 Garuhi, varahuau.

Lol gugen rahuana,
 Lol gugen mateana,
 Lol gugen tomare hae,
 Lol gugen vi veveau,
 Vatutu, Vat Varahu,
 Namen lugu atema ! Amen.

24.

Vui rahu atamare,
Gabi non God, gov hi mai ;
Gov vagahi tau lolomai,
Bere rono daligi ;
Gin rani i gin hogoi,
Gigita atmatemai.

Hogoi vai mai iloute,
Kamai gav iloilo ;
Suwai i rorono kamai,
Lol sabuga lolomai ;
Bere daleva i sala,
Huhui hala masigi.

Lord, la limama rorono,
Hogoi noma dului ;
Hogo mai buluiana,
Qatigoro vi nogo ;
Satan bere gali kamai,
Gov lai kamai huri Christ. Amen.

25.

Vui Sabuga, i Turai,
Lol gabi ta Pentecost,
Gom bavora gom hogoi
Masin tabeva.

Taba ma ron gogonai,
Tabaana ma hogosi,
Ma hav hagaihino tehe,
Masin tabeva.

Taba ma lol goro hei
Bere lol gaivuainia ;
Ma hav vev te hantai hei,
Masin tabeva.

Binihimasigi vi mos,
Doron hohov vi siv nogo,
Si hav vorai vina tehe,
Masin tabeva.

Binihimasigi, hohov
Gaitolura tabeana ;
Ta ma bora liu hage,
Masin tabeva.

Qatun hogoi dluwai,
Hogoi mai nom dabeana ;
Lol masiri lolomai
Gin tabeana. Amen.

26.

Waga ma rovo lol tahi ;
Nu gabisia mutai ;
Vuigina ma matura
Lol taro tavuha.

Sivsivlawai ma hivo mai,
Tahi ma laniga,
Waga ma dabe ililai,
Ma here dulia.

Atatuna ram harago,
Ram ruru maragai,
Ram bamat Vuia wagara,
Ram nara butugai.

Vagahi, romamata ta !
Tam mate dul gaha ;
Ma batoi goro tahi,
Ma besigai gin lan.

Govi ma dara aluna,
Lan ma ronoe nan,
Atatu ram do mahuri
Lol taro tavuha.

Lord, hua bulbul mai kamai,
Vi taro tavuha ;
Lord, gov walwalau wagami,
Gav hae vai auten God. Amen.

Mabon.

27.

Tata atamare,
Gov ronoau,
Nam siv avkarigo,
Keki gaha.
Lol ute metmeto
Gom gitagoroau ;
Gov lala bul maiau
Guqen keki.

Gom ilo vatuwai
Ginau noto ;
Ginau ma du ma mai
Keki gaha.
Nam hav iloute te
Ginau hanoraga ;
Sisiba niniau
Guqen keki.

Gomen vagahiau
Huri nom leo ;
Nav togo hurinia
Keki gaha.
Nav siv tataro dum, .
Nav iloilo nan,
Nav togo tavuha
Guqen keki. Amen.

Ravrav.

28.

Ma *bon* huba, i alo ma roro,
Gigo, Tata, gov to radu maian ;
Govav van te nin nituma lol *bon*,
Mamata goroau nam matura.

Nam hav votu te radu la vanua,
Vanuama ma gigitita haut ;
Ira Angel ram dogo gorogo,
Alo ataia si hav roro tehe.

Alo teti ma huhuni huba ;
Ma *bon* tehado, ma hav *bon* te aia.
Jesus, alo ! Jesus, gigitana !
Gov gigitaiiau vai tuai tnai.

Nam avkari tagaro Gigo, God ;
Bon i rani nam uloi roroma,
Ira Angel ram avkarigo, God ;
Tata, Nitui, Vui Sabuga. Amen.

29.

Ma *bon*, nam uloi roron God
Huri hogoi talol rani ;
Gov gogean, Ratahigi,
Aten limama rorono.

Binihi kaburai vurok
Nam lol huba kahagarig,
Huri Nituma ma mate ;
Lolok vi siv to mahuri.

Nav togo dedenigi nan,
Nasav matagu te lulu ;
Ta kun be namen matura,
Nav to hohov gugen vevev.

Atmatek ma but aluma,
Nav maturu mabuharai,
Nagok vi wasi vaigogo
Men lalago lalainigo.

Avkari God, Qatun hogoi,
Kera ataa, avkari God ;
Avkari God, ra amare,
Tata, Nitui i Vui. Amen.

Sunday.

30.

Jesus ma domare garig,
Tam samsamara dului ;
Ma rorono mateana,
Jesus ma domare mulei.

Sinobu gaha ram saoi,
Ram dari goro Messiah ;
God ma lol bora Nituna,
Jesus ma domare mulei.

God ma linia be men mate,
Men mate vol ureure ;
Lol guqenina ma gaitolu
Jesus ma domare mulei.

Lord, hogoi mai lalai kamaï,
Gav mate nin qatigoro,
Gav rahu radu lol guqen
Kamaï gav tomare mulei. Amen.

Monday.

31.

Tai binihi huri leo,
Angel ma seserai
Lalainira radaigoro,
Abena Bethlehem.

“ Varahu ma bora garig,
I masin Christ i Lord.”
Vatugi Angel ram gogo,
Ram lol avkari God ;

“ Mahao, na uloi roron God,
Tano, na tamata !
Jesus ma lol bulbul mulei
God maira atatu.”

Tam samsamara dului
Huri Christ, Lord gida ;
Nu vora, mate, ma rahu,
Masin Varahuda. Amen.

Tuesday.

32.

Sinobu ram do lenlena
Ram gita gigita ;
Sinobu gaha ram mate
Ram ron roron rahu.

Varahu ma bora huba,
Ma hi mai mai rani ;
Ma lus kaburai maligo
Ma rorono matea.

Jesus ma bora ! Nitun God
Ma do gi atatu ;
Binihimasigi, gogonai,
Gida maira Angel.

Ma bisirai mai tamata,
Mai silo tabeva :
Atatu rav to bul mulei
Qaloana vi mos.

Jesus ma bora ! vanua
Nu gabisia ginia.
Sinobu ram do lenlena
Ram gita gita. Amen.

Wednesday.

33.

Jesus Varahumai,
Gam hahagavigo !
La nom dabetabe gaivua
Gom bora lenlena.
La sine varihai,
Rovoga, huana,
Lagoana hahawani,
Gom dogo hagavi.
Satan ma galigo,
Marogagas, madou ;
Gom dei, gom mana, gom haro,
Gom ron maririhai.
Nom Hala tentene
Ma rimrim sinego ;
Ram sansani, ram siburai,
Ram lol bamatego.
God Holomare Hae,
Gam uloi roroma !
La nom dabetabe gaivua
Gov hahagav kamai. Amen.

Thursday.

34.

Ira Angel, havan gaivua
Matgatavan mahao !
Jesus masin Ratahigi
Ma hae vai amare.

Ute gaha, avkari God,
Taburi maragai !
Ma gelesia vai tanona,
Jesus ma hae mulei.
Ma dau hivo ginau gaha
Halaten qalagena ;
Vi lol vatuwai tanora
Lalai ra nituna.
Ihei vi to lo imana ?
Vusina na sabuga ?
Kera ram lago bulusia,
Rav togo bul aia. Amen.

Friday.

35.

Lord Jesus, ronoan,
Nam navohi Gigo.
Jesus, gom lol barahuan
Gin mateanama.
Nam binihi garig,
Binihi lolovon,
Be gom dule huri kamai
Alun volovolo.
Vuromai ma bauhi,
Ma bivilisigo,
Ma boha bolvolo gigo,
Ma sari gagauma.
Dagama sabuga
Ma duturu himai :
Sine wasi, bilohigi ;
Qatigoro, rahu.
Lord, Matevol iran,
Gov hahagavian ;
Garuhi kaburai vurok,
Nav tabego mutai. Amen.

Saturday.

36.

Kera ram davig i Jesus
Lolo lulun votu,
Joseph ma dai vatuwainia,
Abena Calvary.

Maten Jesus ma en aia,
Lolo lulun vatu ;
Atmatena ma ban dagai,
Ma do a Paradise.

Atmatera ram *gogo* aia,
Ram binihi masigi
Be Jesus Christ vi vora mai,
Vi rorono matea.

I Noah, i Abraham, David,
Vatugi Prophet tar ;
Jesus ma mai mai abera
Roron rahuana.

Lord, davig vurok niniau
Lolo lulun vatu !
Atmatek vi mabuharai
Abema Paradise ! Amen.

Advent.

37.

Christ ma hivo alun dodo,
Christ ma mate bol gida ;
Vatugi sinobu tar tar
Gogo bulbul abena :
Alleluia ! Alleluia !
Mai mulei Ratahigi !

Vataha mata vi gitae,
Ratahigi nu lavoa ;
Ram sovua, ram saria,
Ram boha bolvqlae ;
Deidei lavoa, deidei lavoa,
Ate gita Messiah !

Dovonan nan gagarisi
Ma do lol rebehina ;
Qatun samara vai tuai
Lalainira nituna ;
Gitagita gin samara,
Ate gita sarana !

Kamai gam gogonainigo
La tanon Ratahigi ;
Varahu, hago nom ute,
Rorono, sarisari ;
Alleluia ! Alleluia !
Ratahigi vai tuai ! Amen.

Christmas.

38.

Gida lol iboi samara,
Lol iboi lalai God ;
God ma do abeda gaha,
Christ ma bora Bethlehem.
Ma lol hurin datauleo,
Avoana nora Prophet ;
Uloi roron Nitun God !
Jesus Christ ma bora mai ;
Lol iboi lalainia,
Jesus Christ ma bora mai.

God nin God, Rani nin Rani,
Holomare liu hae ;
Kea ma lai sinen atatu,
Bora mai Taqalugu ;

Kea ma himai mai tamata,
Masin silo tabetabe ;
Uloi roron Nitun God !
Jesus Christ ma bora mai ;
 Lol iboi lalainia,
 Jesus Christ ma bora mai.

Kea ma hivo, Nit atatu ;
Gida hae ra nitun God.
Kea ma mate, gida rahu ;
Avkari Emmanuel !
Angel, giv uloi rorona !
Atat, giv uloi rorona !
Uloi roron Nitun God !
Jesus Christ ma bora mai ;
 Lol iboi lalainia,
 Jesus Christ ma bora mai. Amen.

39.

Sarisarin God lol mahao,
 Lol tano tamata,
Lalai sinobu duluai
 Togo bulbul mulei.
Gida ! gida lol gaituwa
 Maira Angel gaha ;
Garig ma bora Bethlehem,
 Varahu, Christ i Lord.

Nin garon Jesse, rarana
 Ma sisiu haehae ;
La qatun David haehaena
 Ma bora gai rahu.
Gai rahuanan sinobu,
 Rav toqa masina ;
Masina, hinaga mptai
 Rav rahu nan ginia.

Ma bora huba Nitnda,
Ma lai mai Nitui ;
Tagaro, Ratahigi, God,
Naturigi gaha.
God muramura ma hi mai,
I Vuin Tamata ;
Gita ! la sinen horata
Ratahigi gaivua !

Gita ! masin Gigitana
Ma dawaga huba ;
Alo ma dawaga gaha,
Rahu la gabauna.
Sinobu ram do lenlena
Ram gita gigitita ;
Vi dano alun vanua,
Ureure mulei.

Gida ! gida bul siloda
Maira Angel nona ;
Garig ma bora Bethlehem,
Varahu, Christ i Lord.
Sarisarin God lol mahao,
Lol tano tamata,
Lalai sinobu duluai
Togo bulbul mulei. Amen.

40.

Tarua, tomare !
Gida la vatuwa,
Tav hae memearu vai la Bethlehem.
Atei Varahu,
Christ ma bora garig :
Tav hiqauqau goroe,
Tav siolo goroe,
Tav daqagugu goroe, Christ i Lord.

Angel atamare,
Lol iboin Jesus,
Giv woha silomini, uloiroroinia.
Taburi lavaa,
Sosoqero mahao :
Tav hiqauqau.....

God ma atatu,
Mahao siqa tano,
Ma bisvisogari boravora tumu.
Ma riqes gida,
Bev dagara Satan :
Tav hiqauqau.....

Ra Angel, atatu,
Samalagai ute,
Siloda biliulin dalisia.
Bat avoana,
Varahu ma bora :
Tav hiqauqau..... Amen.

Visirai.

41.

Ira Magoi la matanialo
Ram gita visiu gigita ma do ;
Ma la muainira vai votui ute
Jesus tirigi ma dogo aia.

Ram dalinoro, ram hae lol imana,
Ram gita Mary mai Jesus ma du,
Ram daqagugu, ram hagai hogoi
Gai ma bonboni mai gold i mur.

Lord, kamai mulei, gam lai nomai hogoi,
Tabetabe ma bora bilam gold,
Nomai tataro nu kun gai ma bonboni,
Siehi mulei kun mur bilama.

Lord, kamai mulei, gav huri nom visiu, .
Gav huri Jesus ma hae dotomua,
Vava gai votui tanoma amare,
Vava gav gita sarisarima. Amen.

Lent.

42.

Gita, gu~~ge~~n varahuva,
Tav tav dagai qatigoro ;
Tam binihi, tam bevea,
Tam lalago son goro leo.

Bahala non vatahahei
Ma do goro qalagena ;
Silo vevev lol lolona
Ma bevev dum non salana.

Keki gaha ma lin huba
Tanon binihi leahi ;
God ma du la tabeana,
Hohov gida ra nituna.

Tai vagaha alenada,
Togoana binihiva,
Gin tataro, gin deiana,
Navohi dum tug kaburai.

Ma lol melmelo dului,
Ma dura bibin vatuwai ;
Tav gita dum lolmatana,
Tav hae sosori abena.

Tata, gov lol kunia nan
Gin Nituma Lord Jesus Christ,
Ma rahu maigo i Vui,
Tolbultai vai tuai tuai. Amen.

43.

Lord, guqen hagavi gaha,
Ma hav vevev te radu,
Kamai gav tataro dum.

Mataruamai vi huga,
Sinemai bilohigi,
Alenamai tavuha.

Lord, derai nom Vui hi mai ;
Boro lol siqenimai !
Lol magemu sinemai !

Gin garas ma hawanigo,
Gin silon baharigi,
Gin nom mateana dul,

Gin hunmata ma duturu,
Gom danihi Jerusalem ;
Tabe kamai vatuwai.

Ov kamai gin gabauma,
Tug mahuri kamai gaha,
Bere mate susuwai. Amen.

Week Sabuga.

44.

Uloi roron Jesus
Ma ron gagaras ;
Dagana ma rovo
Nin gagauna.

Hogoi rahuana
Ma mai aluna ;
Lol melmelo gida
Nin qatigoro.

Vai tuai vai tuai,
Masin Dagana
Ma rovo ninia,
Huri vuroda.

Gagaras gaivua
Ma du hurin leo ;
Ma bol lalai gida
Rahu vai tuai.

Tuai dagan Abel
Ma hara bora ;
Ta Dagan Christ Jesus
Ma lol bul mulei.

Be men tau goro
Loloda hantai ;
Satan vi matagu,
Vi halbisi galau.

Siloda vi lavoa,
Avkari gaivua,
Tav uloi *gogonai*
Dagan Jesus Christ. Amen.

Easter.

45.

Alleluia ! Alleluia ! Alleluia !
Ma lin vatuwai qaloana.
Satan ma gan gan bora nan ;
Gida ! gida taburi huria.
Alleluia !

Ue, Jesus ma hi mai huba,
Ma mai, ma qalo huri gida,
Ma bavotu iwalu huba,
Alleluia !

Vatun qaruna ma datuhi,
Gatavan rahu ma mahavan,
Gida haroro, gida rahu.
Alleluia !

Lord nu mate, ma rahu mulei,
Rahu ma dolom mateana ;
Ma hara dagai tutuhina.
Alleluia !

Garian Qaloana mutai,
Rorono kamai vai tuai,
Gav mamagan gin qaloana.
Alleluia ! Amen.

46.

Ma rahu ! Jesus higea !
Sigai mulei mateana ;
Ma rahu ! ma dotumua
Gida haltavalun lulu.
Alleluia !

Ma rahu ! mateana
Ma bora gatavan rahu ;
La mahuri sosori,
Kea ma hae sivigi huba.
Alleluia !

Ma rahu ! ma bol gida
Be tav rahu lalainia ;
Qano, lima, loloda,
Ma bol noto gi bilana.
Alleluia !

Ma rahu ! ma seserai
Non tabeana gaivua ;
Mateana ma mate,
Si hav raes te dagai gida.
Alleluia !

Ma rahu ! ma lai nona
 Tanon Ratahigi lavoa,
 Ma bagaha vatuwai
 Tanoda tavuha abena.
 Alleluia ! Amen.

Hae Mulei.

47.

Jesus Christ ma hae mulei,	Alleluia !
La sarina liu hae ;	„
Mahao lol roroinia !	„
Vanua lol roroinia !	„

Kea ma rihu maragai,	Alleluia !
Muramura, Varahu ;	„
Ma roron qatigoro,	„
Ma roron mateana.	„

Nu nogo qaloana,	Alleluia !
Kea ma hago non ute ;	„
Ira Angel, atatu,	„
Avkari, gogonainia.	„

Kea ma salil hogoi mai,	Alleluia !
La masin tabeana ;	„
Ma dataro dum gaha,	„
Ma hae Toalolona.	„

Lord Jesus, gom hae amua,	Alleluia !
Geles kamai hurigo ;	„
Gigo masin Qatumai,	„
Masin qatun rahumai.	„

Amen.

Whitsunday.

48.

Raumatan Volmulei gida
Ma dovoe tuai,
Be Heheina vi hivo mai,
Aloloda.
Ma hi mai mai non rorono,
Hagavi, hogoi :
Ma atei sinemagemu
Gi tanona.
Tam *ron* silona *gogonai*,
Kun *lan* ma *nutu nan* ;
Ma bagahi, ma besigai,
I ma suwai.
Vataha noda mataisao,
Vataha rorono,
Vataha lolian tavuha,
Nona *nano*.
Nui melmelo vatuwai,
Hivo hagavi mai ;
Gov togo tau lol lolomai,
Gem sabuga. Amen.

Trinity.

49.

Sabu, Sabu, Sabu ! Lord God Rorono !
Ute *bon* i rani, gam uloi roroma.
Sabu, Sabu, Sabu ! Rorono, Hagavi !
Ra Wani gaitolu, God gaituwa *nan*.
Sabu, Sabu, Sabu ! Sarisari amare !
Lord masin rorono, gom dau ginau gaha.
Kerubim i Seraphim siolo gorogo,
Gom dogo *nan* mau, Rahu vai tuai.

Sabu, Sabu, Sabu ! Sinen God ririhai !
Si hav gita tehe, si hav vinihigo tehe.
Silomai vi hae, vi hae hae votu maigo,
God muramura, God tabetabe.

Sabu, Sabu, Sabu ! Lord God Rorono !
Tano, mahao, tahi, ma uloi roroma.
Sabu, Sabu, Sabu ! Rorono, Hagavi !
Ra Wani gaitolu, God gaituwa nan. Amen.

Ganisabuga.

50.

Nam hav dadariha tehe, Lord,
Be gomen hi mai huriau ;
Goi vev vatua siloma,
Qatigoro vi rahu.

Nam hav dadariha tehe, Lord,
Atmateku kun ute vuroi ;
Gov mai huriau hanigi, Lord ?
Goi vev be namen rahu.

Nam hav dadariha tehe, Lord,
Ta Gigo gom barahuan,
Gin Dagama masin sabuga,
Ma rovo vol inau.

Nam hav dadariha tehe, Lord,
Gita ke goi vananiau ;
Lai gaku mai Vihogoma,
Lai magu Dagama. Amen.

51.

Hamai gaha, giv gan Rebehin Lord,
Giv min Dagana masin sabuga.

Ma barahu gida gin Dagana,
Ma banan gida gin Rebehina.

Christ Varahu ma rihu maragai,
Gin Dagana alun volovolo.

Ma mate huri gida dului,
Ma dataroi ginia sibona.

Atatuai ram wehi nitu sheep,
Ma bora dovonan Ganisabuga.

Kea ma bol gida nin mateana,
Ma hogos gida gin non hogoi.

Hamai gaha mai binihimasigi,
Giv hago rahuana vai tuai.

Marogagasi, gamiu ma do nan ;
Gim madouga, giv min wai varahu.

Muana, Nogonana abeda,
Sinobu gaha rav gogonainia. Amen.

Garuhisabuga.

Ira Lalavaa.

52.

Tata, gov gita gin lolotavuha,
Gov lai *gogora* dului
Kera kekhado ram du busbusi,
Ram do lol matama.

Gom laira huba nin ute metmeto,
Nin togoana lenlena ;
Gov laira mulei kekhadogaha
Vai la ute gigita.

Christ Jesus, qatun gigita masigi,
Gov gigitainira gaha ;
Garuhisabugainira teti
Gin masin dagama.

Vui non God, gom halhala tuai,
Gom ov goro ulun wai ;
Gom bavora gom dau ureure,
Gomen lol borara.

Vui, gom lili vai alun Christ Jesus
Tuai la benbenin Jordan ;
Lol sabuga wai Garuhisabuga,
Gav salil alura.

Sinen Adam alolora vi mate,
I Christ vi rahu abera,
Vi gaivuaga vataha gugen,
Bere sala nin God. Amen.

Ira Naturirigi.

53.

Giv lin ira naturigi,
I givav lol te gorara,
Jesus ma bev tuai.
Huri gom warera abema,
Gam mai maira hurigo, Lord,
Ram do lol matama.

Kamai gam gai maigo, Tata,
Gov hogoi Vui rahu mai,
Lol borara mulei ;
Gov gaosira gi nituma,
Gov laira nin qatigoro,
Rai vora nituma.

Jesus, gov salo gorora,
Gov tau limama alura,
Vatavuhainira.
Rai vora vatahanama,
Rav togo lol Rebehima,
Rahu gin rahuma.

Vui tavuha, gov hivo mai ;
 Gov lolira, rav hago dum
 Houn ute amare.
 Gov salil mai hogoi vui,
 Rav to melmelo vatuwai,
 Tanoma sabuga.
 Ira Gaitol lol Gaituwa,
 Gov bete gara hogoi mai ;
 Rav gaivua darihou,
 Rav qalo hurin gigin Christ,
 Rav lai tanora vai tuai
 La ute amare. Amen.

Harabultai.

54.

Avoan vatavuha
 Ma bavora ma mai,
 La talu Eden tuai,
 Ma mai radu gaha.
 Tata ma dau vavine,
 Ma daua gin Adam ;
 Ma sis gaituwainira,
 Raru vi to bulbul.
 Jesus, Lag atamare,
 Ma lai bul sineda ;
 Ma harabultai gida
 Tam bul mai sinen God.
 Vui ma hou atatu
 Gi vatahanan Christ ;
 Tam do lol Rebehina,
 Vava Lagi vi mai.
 Lord, vatavuhainira
 Ram sisieqau garig
 Gov sis gaituwainira
 Gin gaon tabeva.

Lima ma lai limana,
Lolona, lolona :
Raru vi tabetabe,
Raru vi lala bul. Amen.

Tavigi.

55.

Lord, gom dei la matan lulu,
Jesus Tuagamai !
Loloma ma bul mai kamaï,
Tam rono dluuai.

Gin siloma nu ririhai,
Silon Nitun Tata ;
Gom awo vai lolo lulul,
Atmate men rahu.

Kamaï gam dei aben lulu,
Dei huri tuamai ;
Tutuhin mateana nan
Ma sari qaqamai.

Vihogi nu kun manea,
Viran gai dluuai,
Ma sisin hae, ma goru mulei,
Ma mate lol rahu.

Ma abena huba gin guqen,
Siloma ririhai
Vi awo vai lolo lulu ;
Atmate rav rahu.

Ue, atatu manea,
Viran gai vi golo !
Ta nom avoana vi tu
Lord, vai tuai tuai. Amen.

Guqen Sabuga.

56.

Ra rahu maira atmate
Sinobu gaituwa ;
Tavaluna ma lagao hae,
Ma do hohov gida.
Matanhala gaituwa nan ;
Ra Hala ma domua,
Ira Prophet ma huhui,
Jesus Matanhala.
Rebehi gaituwa nano ;
Gida vatahada,
Ma sis gaituwa dluai
Ra vatahanan Christ.
Iman God gaituwa nano,
Gida ariuna,
Ma hal varavarai gida,
Gai huge Jesus Christ.
Gin silo gaituwa hage
Vatugi Sabuga,
Talol mahao i la tano,
Rav uloi roron God. Amen.

Ravrav.

57.

Ute ran ma nogo,
Bon ma sosori,
Ma malmal nunuga
Ma sorobulu.
Maligo ma dari,
Visiu ram bulae ;
Boe, manu gaha
Ram siv maturu.

Lord, gov lol mahuri
Ra mateigara ;
Irahei ram hua
Radai gorora.

Gov turai irahei
Ram *ron* gagaras ;
Borotai irahei
Ram sine hantai.

Angel noma gaha
Rav tu sisibau
Goro atmateku
Lol ute meto.

Rani vi gorosi
Namen mamata ;
Loliau nav togo
Raraniga nan.

Sarisarin Tata,
Nitui, Vui,
Gaohi ureure
Vai tuai tuai. Amen.

Christmas.

58.

God ma gita nona
Ira lenlenaga ;
Ma hora Nituna vi mai
Gi Qatun Tamata.

Ma *ron* aqoqon bon
Silora Angel tar ;
Ram seserai non leo tavuha,
God ma bora huba.

Ra radaigoro sheep
Ram lala rovrovo ;
Ram gita dum lolmatan Christ
I Qatun Tamata.

Ma en gi naturig
Lol tanon gangan cow ;
Te kea hage Christ i Lord
Ma dau rosrosona.

Lol sineda hantai
Ma do dahuli God ;
Gida tam uloi rorona,
Jesus Varahuda.

Ma dau malelena,
Tav togo bulbul nan ;
Ladoana, hagaihino
Vi vorai vina nan.

Sinema tavuha
Leahi sinemai ;
Gov hivo mai lol lolomai,
Gai vora kunigo. Amen.

59.

Tuai lolo vanuan David
Ma eno Naturigi,
Vavine ma daua aia
Lolo tano-gangan cow.
Mary ratahina mau,
Jesus Christ i Nituna.

Kea ma himai amare,
Kea Lord i God gida,
Ta Imana iman boe,
Iniana la manea.
Maira hiru, magemu,
Varahuda ma dogo.

Lol Non tanon naturigi
Kea ma mahinainia
Lalai Mary ratahina,
Ma dabe mutainia.
Naturigi duluai
Giv huri alenana.

Kea masin maleleda,
Kun gida ma gaivua,
Ma dirigi, madamada,
Ma mana, ma dei mulei.
Ma bul maira lolovon,
Ma bul maira samara.

Gin matada mau tav gitae,
Qatun Non Tabeana,
Naturigi nu magemu
Noda Lord Atamare ;
Ma domuai nituna
Vai la ute amare. Amen.

Visirai.

60.

Visiu ma gigita hala,
Ra Magoi ram huria,
Vai votu vanua Bethlehem,
Jesus ma dogo sia.

Gigitana ma maravrav
Gaiviha ram gitae ;
Masin alo ma domare
Ma gigitai gida.

Atatu ram la lenlena
Lol ute metmeto ;
Ram salsala nin halan God
Ram dogo aben Satau.

Jesus ma bora Bethlehem,
Masin Gigitana ;
Tam rahurahu vatuwai
Lol sarisarina.
Ra lenlena lol metmeto
Giv gita sarina !
Ra salsala aben Satan
Giv huri halan God. Amen.

Lent.

61.

Gugen navul gaivasi,
Lol vanua nu vuroi ;
Satan ma galgitago,
Ta gom rihu maragai.
Gom maturu vuroi,
Iniama nu sigai ;
Boe gangan ram dogo,
Gom siv ron maririhai.
Nomai be gav hurigo
Siehi rebehimai ;
Naitai huri tataro,
Vi tura atmatemai.
Jesus, Masin rorono,
Gas butu aluma nan ;
Gov radai atmatemai,
Bere mate vai tuai.
Gas huri malelema,
Tamata non God vi to
Alolomai vai tuai,
Gav togo halabehe.
Varahu, gogo goro
Kamai lol qaloana,
Va vi votu vanua,
Qaloana vi nogo. Amen.

Palm Sunday.

62.

Sarisari lavoa
Non Christ Varahuda ;
Qanora naturigi
Ram lol iboina.
Lavo a goro Israel '
Nitun David ma mai ;
Ma mai gaha la ihan Lord
Noda Ratahigi.
Sarisari.....

Ra Angel atamare
Ram lol tavuhainia ;
Atatu talol vanua
Gida, samara bul !
Sarisari.....

Ma sosori, gugenina
Ram lol iboi matea ;
Gida tam gita sarina
Avkaria garig !
Sarisari.....

Tuai gom lai iboira,
Ram avkarigo, Lord ;
Gov ron madavuha gaha
Gin nomai avkari.
Sarisari..... Amen.

Week Sabuga.

63.

Ma boha bolvolo
La vusi Calvary ;
Mateanana sabuga
Ma barahu gida.

Gida tam lena gagaras
Ma lol Varahuda ;
Non tabeana ma gaivua,
Tam danana huria.

Ma mate vol mulei gida,
Be tav to hurin leo ;
Ma lol vatuwai tanoda
La ute amare.

Jesus nan ma dadariha
Men vol mulei gida ;
Ma havan ute amare
Hurira ram dabea.

Gida tav tabe mutainia,
Gin silo avkari,
Huri Dagana nu rovo
La vusi Calvary. Amen.

64.

. Gin binihimasig nam dogo
Halaten non volvolo,
Be nav gita Varahuda
Ma dule leahiau.

Kea ma bora dovonana
Huri hagavi non God ;
Ma duturu mai Dagana
Be vi tug qatigoro.

Ma hago sinen atatu,
Ma mate maia aia ;
Ma bol vataha sineda
Nin togoana hantai.

Tanora tavuha teti
Lalainira lolovon ;
Tanon mabu, samsamara,
Tam haqe dum abena.

Avkari gin tabtaburi
Jesus alun volvolo !
Non mateana ma bora
Rahuva lalai gida. Amen.

65.

Nam garerei volovolo
Non Ratahigi sarisari,
Inau atat hiruga nan,
Nam barihai ginau vanvan.

Dagana ma rovo hi mai
Ma dovonai non tabeana ;
Gai sorin qatuna gauli
Ma seserai non hagavi.

Nas tabea gin rahuku,
Gin bilak rosrosoana,
Ta sihav dadariha tehe
Mai tabeana non Jesus.

Lol vatvataha vanua
Atatun Christ tav avkaria,
Varahuda hahagavi
I Ratahigi vai tuai. Amen.

Easter.

66.

Christ vi hi mai vainonaiha
Maira Angel sinobu ;
Atatmate rav tomare
Duluai.

Rebehira ma en huba
Dagai nin atmatera ;
En mahuri lolo lulu
Gogonai.

Qalagera atatmate
Vi tomare nin lulu
Baten alo vi tawaga
Easter kea.

Gida tam do binbinihi,
Doron hohov maragai,
Tav tomare samsamara
Gaivua.

Hage lol gugen mamata
Rebehida vi vogi ;
Tav siv vora kun Nunuda
Jesus Christ.

Nu tavuha liu hage
Nin Easter gaha ataa ;
Sarisarin Christ Jesus vi
Gigita.

Lol gugen tomareana
Lulu vi linira mai,
Tata, mua, naturigi
Bul mulei.

Jesus, gin nom volovolo
Varahu kamai teti,
Be gav togo bul abema
Vai tuai. Amen.

Whitsunday.

67.

Vui Sabuga gov hi mai
Ba mabuhai vai lolomai ;
Vurai kamai gin nom gabi,
Lai nom hogoi gaibitu.

Nom vurai talol amare
Turai, rahu, tabeana ;
Gov lol vugeri vai tuai
Matamai ma biviviga.

Lolmatamai ma binari,
Lol mahuri gin nom hogoi ;
Hogos kamai gin tamata
Domuai kamai vai tuai.

Vagahi kamai be Tata,
Nitui, Gitol gaituwa :
Lol mahavana vai tuai
Gai vev roroi roroma,

Uloi roron Ihan God,
Tata, Nitui, i Vui Sabuga. Amen.

Ganisabuga.

68.

Jesus i Varahu
Gam lai Vihogoma
Lol Ganisabuga—
Dogo aben kamai !

Lord, gov to vatuwai
Lol siqenimai ;
Hogos nom hogoi,
Kamai gav tabego.

Jesus, atatuma
Gam navohigo,
Gov tugoro kamai
Bere hov ninigo.

Imama na togo
Lol siqenimai ;
Masin alenama
Leahi sinemai !

Gov togo abemai,
Jesus i Varahu ;
Kamai gav siv togo
Abema vai tuai. Amen.

Guqen Ember.

69.

Lord, gov gigitā lolomai
Gin gigitama amare ;
Gov bowori mai nom Vui
Lalai kamai gam dabego.

Vatavuha ra vagahi,
Vatavuha ra rorontai ;
Uloilua vi rorono,
Vatahahei vi gigitā.

Gov hogosira vagahi
Iloute mai mataisao ;
Rai vagahi gin tabeva,
Rav tatara gin naitaian.

Gov hogosira rorontai
Rav toron maragainigo ;
Rav ron gin sine magemu,
Rav hurigo tagaro nan.

Vatavuha ra Lalago,
Ra Priest, ra Deacon dluwai ;
Rav muan goro sinobu,
Lalago garugusi nan.

Kunkeki nom Uloilua
Vi togo wasi vatuwai,
Vi gaohi noto vanua ;
Aluma, Lord, gam sinarai. Amen.

S. Andrew.

70.

Jesus ma uloi radu
Gida tavalun tahi ;
Silona ma siqa rani,
Ira tua, huriau.

Tuai Andrew ma ronoe
Silona a Galilee ;
Ma barahi *lin* bilana
Ma la mat ma huria.

Jesus ma uloi gida
Nin hanoran ginau *nan*,
Ureure vihogoda,
Be tav tabea liu hae.

Tav samara, sinevono,
Lin mahuri sineda ;
Kea vi tura bibin gida,
Be tav tabea liu hae.

Jesus ma uloi gida,
Ronoe, mahinainia,
Lin loloda lol lĩmana,
Ira tua, huria. Amen.

S. Mary.

71.

I Lord goro rosrosoan
Lol siqenin Vavingogon
Ma hago maia sineda,
Men varahu ureure.

Mahao, tahi, tano *noto*
Ma damei *goro* non *lavo*a ;
Gin rorono non God i Vui
Ma bora gi Emmanuel.

Wani hogoi vatavuha,
Mary Vavine gogona ;
Rorona rav siv seserai
Vataha lalana gaha.

Abena Christ ma bora mai,
Abena kea ma gaivua ;
Gida tam lai rahuana,
Tav to sabuga vatuwai.

Lalainigo, Lord, roroa,
Bavavan Mary, Nitun God,
Lalai Tata i lalai Vui,
Gaitol gaituwa vai tuwai. Amen.

72.

Ginau gaha tam gitae
Amare i ataa,
Gaivua sa tirigi,
I Lord God ma daura.

Boe lol ute vono,
Manu talol mahao,
Ige atalol tahi,
I Lord God ma daura.
Ginau gaha.....

Tanmamaha dluuai,
Tavola i vusi,
Tahi nu tatavola,
I Lord God ma daura.
Ginau gaha.....

I alo, vula, visiu,
Uhe, idanoi,
Gai, sinu i manea,
I Lord God ma daura.
Ginau gaha tam gitae
Amare i ataa,
Gaivua sa tirigi,
I Lord God ma daura.

Vilehi ma gigita,
Dumdumin qahilo,
I rara i magoto,
I Lord God ma daura.
Ginau gaha.....

Gida tav lol iboi
Avkari lalainia,
Mai Jesus Christ Nituna
I Vui Sabuga.
Ginau gaha..... Amen.

73.

Atmatek hurigo
Hau luaiau,
Si haro, si rahu,
Hau luaiau.
Nai butu aluma,
Huri malelema,
Varahi halama,
Hau luaiau.

Be vi bon goroau
Nam lala hant,
Nas mate gak gahek,
Havak sigai;
Lol ute metmeto
Nav dada matakū,
Varahi halama,
Hau luaiau.

Gigis halaku mai
Vai lol mahao ;
Nom Angel rav hi mai,
Rav sisibau.
Nav gita sinema,
Nav huri siloma,
Varahi halama,
Hau luaiau.

Gov lala bul maiau
Hago ranok,
Dede siqenigu
Vai hurigo.
Bere nam daturai,
Bere nam salsala,
Varahi halama,
Hau luaiau. Amen.

74.

Giv lol iboi, taburi,
Giv lol iboin Lord ;
Siloda dluuai vi hae,
Vi hae vai lol mahao.
Giv lol iboi, atamam,
Giv lol gin mataisao ;
Vavine, giv haruwainia
Gin silo gaituwa.

Tav lol iboi lalai Christ,
Ma Lord goro gida,
Silora atatu dluuai
Vevhuri rorona.
Jesus Qatun varahuda,
Hogoi, tamata,
Vi lai lalai gida noto
Rahuva vai tuai.

Ra ataman, giv ronoe,
Giv damei goro Lord ;
A Nasareth ma mahina
La tanon rovoga.
Ra vavine, giv melmelo,
Giv togo sabuga ;
Nitun Vavine Gogona
Nu raraniga nan.

Tam samsamara dului,
Vavine, ataman,
Tav seserai non lalago
Lol ute lol mahao.
Lord Jesus, gov lol watuwai
Kamai ra tihima,
Gav hae hagatu hurigo,
Gav rahu vai tuai. Amen.

75.

Lala matu, atatun Christ
Huri qaloan ;
I Lord nu rorono
Ma domuainia.
Dovonana maia,
Volvolo nona,
Givav la te rusi,
Giv huria nan.
Lala matu, atatun Jesus,
Huri qaloan ;
I Lord nu rorono
Ma domuainia.

Satan vi matagu
Be vi ronoe
Ihan i Lord Jesus,
Muramura nan.

Uloiroroinia,
Christ i Varahu,
Ma bolmulei gida,
Tav avkaria.
Lala matu.....

Gida non sinobu,
Ma uloinia
Huri qalo bibin
Hurin *gigina*.
Noda binihimasigi,
Noda tabeva,
Noda doron hohovia,
Gaituwa *nano*.
Lala matu.....

Vataha ute teti
Vi vorai vina ;
Non Uloilua
Sihav vano tehe.
Kea ma datauleo
Be vi wasi dum,
Be vi rihu maragai
Nin liman Satan.
Lala matu.....

Tomare sinobu,
Boha silomiu,
Gida lol vatuwa
Noda avkari.
Christ vi ratahigi
Vai tuai tuai,
Seserai non muramura,
Sarisarina.
Lala matu..... Amen.

76.

Ira tua, hurihano
 Kimiu gim bisalsala ?
 Jesus, radaigoro gida
 Ma lolotabetabe.

Kea ma uloi sheep bilana
 Be rav *gogo* abena,
 Be rav huri malelena
 Va vi votui arana.

Hahagavi non Varahu
 Nu tavola nin tahi :
 Kea vi vevev hagav gida,
 Tas binihileahi.

Dagan Christ nu dadariha
 Huri vatvatahahei ;
 Kea ma *lin* non rahuana
 Be tav togo samara.

Ira tua, gim *ron* mahantai,
 Mai, ba dogo mahuri ;
 Binihimasigi Jesus,
 Ratahigi, Varahu. Amen.

77.

Jesus ma dabe inan,
 Lol leo nam *ronoe* ;
 Sinena ma hagavi
 Atatu qatigoro.

Jesus ma dabe,
 Ma dabe mutaiiau.

Kea ma havan lalaiau
 Matgatavan non ute ;
 Kea vi lol melmeloiau
 Be nav dalinoro dum.

Jesus ma dabe,
 Ma dabe mutaiiau.

Jesus, do sosoriau,
Nam la radu halataa,
Vainonaiha gov tauau
Vai abema amare.
Jesus ma dabe,
Ma dabe mutaiau. Amen.

78.

Qalo bibin gin rorono
Non Jesus Christ Ratahigi ;
Lai rahuana vai tuai,
Hago gaisorin qatuma.
Rovo vavtutu la hala,
Hogoi non God vi turago ;
Dede amare matama,
Dawema Jesus Christ magea.
Tul kaburai binihi dantau,
Gov butu alun Jesus nan ;
Hogoi bilinai abena
Bere gom_{ron} maririhai.
Limama ma do atema,
Sinena sihav vogi tehe ;
Ma gaosigo gi nituna,
Lai siqenima lalainia. Amen.

79.

Tam dabe iman Lord,
Ma lai non hogoi aia,
Ma batavuha nan
Gida ra nituna.
Lord, dai qeroma mai,
Gov ron dum silomai,
Gabe gam dataro
Lol ihan Jesus Christ.

Gam binihi marahi
Garuhisabuga ;
Ma lol bora gida
Gin wai i gin Vui.

Rebehin Jesus Christ
Mai Daga sabuga,
Ma lai lalai gida
Lol Ganisabuga.

Avoana non God
Ma bagahi gida,
Ma bula halada
Lol ute metmeto.

Nom Uloilua
Ma qalo halataa,
Ma avkarigo, God,
Huri nom dabeva.

La ute amare
Gida maira Angel,
Tav uloi roron God,
Tamada lol mahao. Amen.

80.

Ra tavuha non Christ,
Ra lolomelmelo,
God ma doron siqenira
Vi vora tanona.

Lord Holomare Hae
Ma hivo magemu,
Sinen atatu kea ma lai
Nin Mary tavuha.

Ma atei imana
Abera magemu ;
Vatahahei ma melmelo
Rav hago dum Jesus.

Lolmatama lulum
Kamai gam hige, Lord ;
Gov lol melmelo lolomai,
Imama sabuga. Amen.

81.

Kera ram mabuharai
Ram bul radu abeda ;
Atatu atamare
Ram bul radu mai gida.

Gida tam do qalo nan,
Ram mabu a Paradise ;
Gida tam do vauvauhi,
Nora gao ma madugu.

Take bulbul tavuha
Huri Jesus gaituwa ;
La masin gao tabeva
Gida tatan gaituwa.

Sinobu ram dogo haut,
Hal tavalun vanua,
Kera ram bulbul radu,
Lolora mai loloda.

Tam hav gitagita tehe,
Matada mai matara ;
Avoana dodolua,
Tahi ma en gorora.

Take bulbul tavuha
Lol Rebehin Lord gida,
La sinen binihileahi,
Alun Ganisabuga.

Ra sabuga Paradise
Ram bul radu mai gida ;
Tam avkari bulbul God
Gin silo gaituwa nan.

Hau loloda dulnai
Bul gaituwa abera ;
Avkari God rorono,
Tata, Nitui, Vui. Amen.

82.

Gida tam butu tano,
Talū gaha tam riv,
Ta God ma gitagoro,
Ma batavuhainia.
Ma mahina na uhe,
Idanoi, alo,
Lan, magoto i rara
Rav birivanua.
Raumatan gināu gaha
Ma hivo mai nin God ;
Giv avkari mamaragai
Non tabeva gaivua.

God ma dau magahena
Noda gināu noto,
Gai gaha talol tano,
Amare visin ;
Lani ma ron silona,
Tahi ma daro nan ;
Ma banan ra nituna
Gin gada hinaga.
Raumatan gināu.....

Tata, ira nituma
Gam lol avkarigo
Huri nom hahagavi,
Huri nom hogoi ;
Gov lai nomai avkari,
Gov ron nomai navohi,
Take gom doron liu
Sigenimagemu.
Raumatan gināu... .. Amen.

83.

Gom uloiau, nam avkoro,
Nam ban vilehi hurigo ;
Gom bol inau gin Dagama,
Lai gogoau, Jesus.

Inau nam hav to te wasi,
Kun ariu ma gibegibe !
Nam buroga, nam matagu,
Lai gogoau, Jesus.

Nam matagara, hiruga,
Bilam ginau ma do bilinai,
Gov lai nom hogoi lalaiau,
Lai gogoau, Jesus.

Nam binihimasigi mutai
Nom datauleo hagavi,
Ta sinegu ma busbusi,
Lai gogoau, Jesus.

Nam salanai kabkaburai
Ara ma do lagi gidaru ;
Nam bora vatahanama,
Lai gogoau, Jesus.

Nam dogo huba halataa,
Inau kun naturigi nan,
Nav iloute amare,
Lai gogoau, Jesus. Amen.

84.

Lol ihan Lord Jesus
Gida sisieqau,
Tav mahina goroe
Gin sine magemu ;
Masin Avoana
God ma hora mai ;
Daqagugu goro
Jesus Nitun God.

Ma dau ureure
Gin Avoana,
Vatvatugi Angel
Ira lalago ;
Kera ram gigita
Gin gigitan God,
Ram seserai luai
Sarisarina.

Kea ma do magemu
Teti halataa,
Ma lai iha Jesus
Talo vanuada,
Ma *gogoi goro*
Ihan atatu,
Ma siv to amare
Jesus Varahu.

Ira tua, gida
Awo *gogonai* !
Iha kea sabuga
God mau ma huria ;
Tav *gogonainia*
Gin tabeana :
Kea Varahuda,
Kea Christ i Lord.

Vainonaiha Jesus
Vi hi mai mulei,
Maira Angel nona
Lol sarisarina,
Vi lai Uloilua
Hae vai abena,
Tav *gogonainia*
Vai tuai tuai. Amen.

85.

Lord, gov bula lolmatama
Alumai gam dabego ;
Vatavuha radu kamaï,
Gov gigita halamai,

Turai kamaï, hogos kamaï,
 Huri nomai lagoan.
 Gon varahu radu kamaï
 Gin limama muraga ;
 Gom banan guqa lolomai
 Gin Bread rahu ma himai ;
 Nom rorono, nom hogoi,
 Rahurahu abemai.
 Hogoi mai nom rosrosona,
 Si hav mos te qaloan ;
 Gov vawasi malelemai,
 Si hav mos te lagoan ;
 Gav galau, gav to abema,
 Toga radu vai tuai. Amen.

86.

God, varahu i King,
 Vi radai goro dum
 Atatuna ;
 Lol dagai qaloan,
 Nom tamata vi mai,
 Vatavuha non ute,
 God, varahu King !
 Gov lol bisalsala
 Iwalu ram qalo
 Goro i King ;
 Lus dagai duluai
 Ram du goro kamaï,
 Gav siv rihumaragai.
 God, bului King !
 God, gov hogoi i King,
 Gin nom rosrosona,
 Gin nom hogoi ;
 Vi to vavtutu nan,
 Non leo vi tavuha,
 Gav huri dedenigi dum.
 God, varahu King !

87.

Tuai Isaiah ma gita
Sarisarin God gida
Silera Non Angel tari
Ma roro lol qerona.

Ira Seraphim ram dogo
Dalis goro Nagon God.
Lalainia ram loliboi
Lol Imana Sabuga.

“Sarisarima amare
Ma botui vai ataa,
Lalainigo nan rorona,
Sabu, Sabu, Sabu, Lord.”

Maira Angel alun mahao
Lol Uloilua ataa,
Gida lol iboi avkari,
Gin siloda gaituwa.

“Sarisarima amare
Ma botui vai ataa,
Lalainigo nan rorona,
Sabu, Sabu, Sabu, Lord.”

Amen.

88.

Batena nam basogo huri Jesus,
Ma dogo tuai a Judea,
Nam binihi nu tavuha lalaian
Be nav dogo amaia aia.

Be si siqeriau gin limana
Si saloau la qaqana ;
Nas gita lolmatana tavuha
Ma gita dabe inau.

Take nam ban radu sosoria,
Be nav lai hogoi ninia,
Be nav higea teti lol ute ataa
Nav siv gitae amare.

Take kera tari ram do lenlena,
Ram do radu lol ute meto ;
Nam doron be kera rav mai huria
Rav lai rahuana mulei.

Kea ma hae huba la tanona,
Be men lol vatuwai aia,
Tanora dului ram mai huria
Gin binihimasiginia.

Nam doron hohov mahavan kea,
Gabisia nu tavuha
Kera tari vataha vanua
Rav gogo huria, rav rahu. Amen.

89.

Ke tabeva gaivua
Non God ma bisirai
Lol mateanan Nituna
La vusi Calvary.

Mateana ma wol
Rahu lalai gida,
Ma garuhi melmelo nan
Lol Dagan Christ i Lord.

Rorono gaivua
Non God ma bisirai
Ma lol domare mulei Christ
Lol gugen gaitolu.

I Christ ma domare
Ma bauhi i Satan,
I Lord ma lai dagai mulei
Tutuhin matea.

Tav uloiroron God,
Tata, Nitui, Vui,
Non rorono i tabeva
Ma barahu gida. Amen.

90.

Atmateku, ron i Lord,
Varahuma ma awo,
Jesus Christ ma beve be,
“Nituku, gom dabeau ?
“Nan dug gao ma bauhigo,
Manugama Nan bagae,
Gon sala, Nan haqego,
Nam bula nom maligo.
“Vavine vi van dagai
Nin nituna tabtabe ?
Ue, kea vi lol kunia,
Nasav van te ninigo.
“Nogu tabeva gaivua,
Holomare nin vusi,
Nu tavola nin tahi,
Ma lagao mateana.
“Vainonaiha gov gitau
Lol Nogu sarisari,
Gov to bul la tanogu,
Nituku, gom dabeau ? ”
Nogu tabeana, Lord,
Ma bora tirigi nan,
Ta nam dabego, Jesus,
Hogoi mai, nav tabe liu. Amen.

91.

Vataha vanna gaha
Ram uloi Jesus be Lord kera ;
Ma bul muleinira huba
Nin togoana lenlena.
Vataha sinobu dolua
Boha silomiu amare
Huri Lord nqra amare
Lol sarisari vai tuai.

Lord, lolotavuhainira,
Turara gin Nom hogoi,
Vagahira be rav huri
Nom doron, Lord nu tavuha.

Ma lai Noma nan rorono,
Atamare, goro ataa,
Ratahigin rosrosean,
Avkari gogonainia.

Sarisari i roroa
Ma lai mai lalainigo Lord.
Avkari, gogonainigo,
Huri Nom hogoi dului. Amen.

92.

Vataha sinobu gaha,
Woha silomiu lalai God :
Giv avkari gogonainia,
Giv vev masigi rorona.

Huri Lord, Kea God masigi
Nona nano ma dau gida,
Ma uloi gida sinobu
Vatugi sheep nan bilana.

Giv dalinoro avkaria
La sarana nu sabuga :
Giv mai sosori huria,
Uloi tavuha Ihana.

Kea God masin tavuha,
Masin hagavi vatuwai,
Non masigi ma do tuai
Vatvataha lalanana.

Uloi God qatun hogoi ;
Uloi God vai la tano ;
Kera amare, uloi God,
Tata, Nitui, i Vui. Amen.

93.

Gida bul avkari God
 Lol iboi lalainia :
 Avkaria nu tavuha
 Hahagavi watuwai.

Ma dau lalai gida alo,
 Mai vula nu gigita ;
 Avkaria.....

Kea ma hora uhe mai,
 Be hinaga vi mauri :
 Avkaria.....

Taulu maho hinaga
 Ma do bilinai gaha :
 Avkaria.....

God masigi ma horae
 Vataha masin ginau :
 Avkaria.....

Ma dau masin gigita,
 Loloda vi gigita ;
 Avkaria.....

Kea ma lin hogoi Vui,
 Gida tav wae dum ginia :
 Avkaria.....

Ma banan gida masig
 Gin masin Avoana :
 Avkaria.....

Kea vi himai mulei
 Masin gada, hagea :
 Avkaria.....

Ginan tau avkari God,
 Halataa i amare :
 Tata, Nitui, Vui,
 God gaituwa tavuha. Amen.

94.

Christ masin gigitana,
Gov bulara lenlena,
Lai *gogora* togo haut,
Kera rai bul mai kamai.

Huhui matanhalama,
Lalainira tuamai ;
Lus dagai na maligo
Ma mal *goro* matara.

Kera ram binihi nan
Huri nora vui hantai
Be ma roronoinira,
Ram batu nan alura.

Kera ram do matagu,
Satan ma *gal* dumira.
Jesus, Masin Varahu,
Laira mulei huri God. Amen.

95.

Masin qatun hogoi gaha,
Nav hige haqego,
Lol *negu* bovonosi nan,
Lord, Gov binihiau.

Vuroku ma marahiau,
Ma ibi loloku.

Tug-kaburai vuroinia,
Lord, Gov binihiau.

Satan mai non rorono nan,
Ma lol gitau ginia.
Gov tura vawasi inau,
Lord, Gov binihiau.

Be nau nav haro maragai,
Vi garas rebehik,
Loliau nav ron manava,
Lord, Gov binihiau.

Vainonaiha si loliau
Huri Ihama nan,
Gov loliau nav samara,
Lord, Gov binihiau.

Gugen mateana vi mai
Nai butu aluma.
Nav awo lol mahuri be,
Lord, Gov binihiau. Amen.

96.

Gai rahuana Paradise
Ihei vi gania vi rahu,
Vi vogi gi rebehina,
Vi togo bulbul aben Christ.

Gai rahuva hala behe ?
Atatu vi hige haqea ;
Behe na volovolo kea,
Vi malumalu goroe.

Keki Jesus ma dovoe,
Ihei vi huri dumiau,
Ma lol goro muleinia,
Ma bora qatun raraku.

Alenama, Lord, Gov houa,
Huri lolon alenamai,
Alenamai qatigoro,
Vi vora alena gara. Amen.

97.

Masin tuada ma dogo,
Lol ute amare :
Sihav vahala tehe,
Sihav malioi te :

Ira tuada teti,
Vi dodolua dum ;
Jesus sihav dolua te
Kea nan masigi.

Tanon mabumabu huba,
Lol ute amare ;
Lalai rahei ram dabe,
Rai butu alun Christ.
Ira garas, ra nala,
Rav to mahurigi ;
Vatahahei vi togo mau,
Vi mabu vai tuai.

Vanua masigi huba,
Lol ute amare ;
Jesus ma lavo aia,
Lol sarisarina :
Sigai nan lolovono,
Sigai mateana :
Vatahahei vi samara,
Sihav nogo tehe.

Gai sosorin qatu huba
Lol ute amare :
Ira tabetabe Jesus,
Vi sagara noto ;
Gai sorin qatu qaro,
Sihav golo tehe,
Gai sosorin gigita,
Gigita vai tuai.

Iboi vai tuai huba,
Lol ute amare,
Sihav savira tehe,
Rahei ram lolia ;
Iboi samsamara,
Iboi varahu ;
Lalai Jesus Varahu,
Rav loli vai tuai.

Gavv sarisari huba,
 Lol ute amare ;
 Ma baga melmeloinia,
 Lol Dagan Christ i Lamb.
 Keki nan ma hogoni,
 Ma haqea aben Christ.
 Lord hogoi mai lalai kamai
 Gav laia gi nomai. Amen.

98.

Jesus, nomai wawanhao !
 Be nav rov vai abema,
 Nam matagu, nam rurū,
 Lai luau bere minn ;
 Bora sinen tahi, Lord,
 Nav tu ban sosorigo,
 Awo, ba gem ronoe,
 Gem siv hae, ba hage dum.

Jesus, vat varahumai,
 Be nas butu aluma,
 Nam daturai, nam hovi,
 Huri buluik sigai ;
 Be nai varahi mulei
 Alun Vat varahnau,
 Al manete, al nono,
 Maluau malmaluku.

Jesus, Qatun rahumai,
 Qatun wai ma rov lua,
 Nogu matavurana
 Lol Gaganma tavuha,
 Nom leo vi hogoni,
 Mama liwawai lavoā,
 Masin hinaga mutai,
 Maho Vui vai tuai. Amen.

99.

Gida gaha atatun qaloan non Christ,
 Tav to wasi gin turai hogoi,
 Aten Liman Lord muramura rorono
 Vi tugoro gida nin Satan.

Gida tav to vatuwai gin toron hohov
 Huri gu^{gen} rihu maragai,
 Vi siv hora gida vai lol tanon mabu
 Tam siv to vatuwai aben Christ.

Tai qalo tagaro, sihav mosi te,
 Lai domare h^{ago}hagon Vui,
 Binihimasigi, doron hohov, tabeva,
 Be tav rihu dum nin a banoi.

Gida mataigoro i Tomuai vi mai,
 Be men lai gida nin matean,
 Vavi van rahurahu huri sarana,
 Qaloan nu nogo aia.

Ira tua, ra Michael ram rovo himai !
 Kera tatavaluda gaha,
 Gita, gida ivusi bulgaituwa nan,
 Atat rihu maragai non Christ.

Uloi roronia Tolbultai Sabuga,
 God i Tata, masin rorono,
 God Nitui, ma sagae gin alenada,
 God i Vui, ma roron gida. Amen.

Huri Tuada ram hua lol Tahi.

100.

God Tata Rahu vai tuai
 Gom dau tahi la qatuna
 Ma bua mai, ma hiv mulei,
 Ma laniga i ma daro.
 Gov to abera tuamai
 Ram huahua lol tahi.

Lord Jesus Christ, a Galilee
Gom hora lan be men mabu,
Ma daro mulei, na tahi
Hurin siloma rorono.

Gov to abera tuamai
Ram huahua lol tahi.

Vui Sabuga i Turai
Gom dura Christ la wai Jordan ;
Gom lol sabuga irahei
Ram lai garuhisabuga.

Gov radaigoro tuamai
Ram huahua lol tahi.

God, Tata, Nitui, Vui,
Gov to abera tuamai ;
Gov varahura nin rebu,
I vatu, gabi, vilehi.
I Gigo, God Varahumai,
La Vanua i lol Tahi. Amen.

Sunday.

101.

Gugen mabu tavuha,
Ma hogoi mai Non Vui,
Vatavuha ma himai
Alura atatu,
Garig silo avkari
Ma hae nin sinobu,
Be, Sabu, Sabu, Sabu,
Tolbultai Sabuga.

Garig la qatuna man,
Gigitana ma mai ;
Garig I Varahuda
I Christ ma domare ;

Lord masin sarisari
 Ma hora mai Non Vui ;
 Gu~~gen~~ ma gigita gin
 Gabi atamare.
 Garig ma banan gida
 Gin hogoi manna Vui,
 Garig tam uv taiva,
 Sinobu ram gogo.
 Lol vanua iloute
 Ram dogo mai Non Leo,
 Wai rahu ma rov lua
 Gi mara ram madou.
 Gu~~gen~~ madu tavuha
 Ma hogosi gida
 Vava tav mabuharai
 Abera Sabuga ;
 Uloi tavuhainia,
 Tata, Nitui, Vui,
 Uloilua sabuga,
 Ma uloi roron God. Amen.

Ira Sabuga.

102.

Kera keki ram gigita
 Gin sarisarin God
 Ram lai hanigi tanora
 Lol Ute Amare ?
 Ram mai ni gagaras gaivua
 Nu hahawanira,
 Vai lol tanon mahurigi
 Gin Dagan Jesus Christ.
 Ta ran lai huba dawera
 Ram du la tanon God
 Lalainia ram lalago
 Lol ute Amare.

Marogagasi i madou,
Alo hahawani,
Sihav lolira te mulei,
Jesus nora alo.

I Lamb ma do lol Ute kea
Ma radaigorora,
Ma lagoinira tagaro
La beubenin nubu.

Lol aran manea mauri
Ma lin haruinira,
Ma man dagai nin matara
Mataruan matai.

Lalai Tata, Nitui, Vui,
God gaituwa nano
Na sarisari vai tuai
I sihav nogo tehe. Amen.

103.

Irahei gaha ram dogo
Kun visiu lol tanon God,
Ma gigita la qatura,
Kera ate behe nan ?
Alleluia ram loli,
Iboi avkari Lord.

Kera higea ram gigita
Gin sarisarin God.
Gaisagara nu aqaga,
Nu melmelo vai tuai.
Ram lai huba rahuva,
Kera gaha ram mai behe ?

Kera ram qalo tagaro
Huri Ihan Lord kera,
Va matea ma gintai goro,
Lol qaloana non Christ.
Hage ma ron magemu
Ram siv to mahurigi.

Ran dogo lolomohigi
Lol gagarasi gaivua ;
La togoan hagaihino,
Vai votui nolina.
Nu hawanira huba
Ram siv to mahurigi.

Kera aia tavaluda
Ram du la lolmatan God,
Tai varahi malelera
Be tav tu gaituwa nan.
Alleluia tav loli
Iboi avkari Lord, Amen.

Huri Ihei Sabuga.

104.

Gam lol avkarigo
Huri Nom atatu,
Ma rahn aloloma, Lord,
Gin non naitaiana.

Kamai gam avkari
Huri nom atatu,
Ma mate alolona, Lord,
Ma hago dawena.

Lai mai buluiva
Ba gav huri dumi
Malelena, lol rahuya,
I lol mateana.

Gov hogoni kamai
Gav togo *gogonai*,
Lol gu~~gen~~ mateanamai
Gav to bulbul maia.

Rorono, rorona
Lalainigo, Tata,
Lalai Nituma Jesus Christ,
I lalai Nom Vui. Amen.

Huri Lolmatan Jesus ma dori.

105.

Gav mom gitago, Lord Jesus,
La vusi sabuga,
Mai Moses maton Elia
Lol sarisarima.

Abera Hala gaitolu,
Gav to la vusi kea,
Gin binihiva gaituwa
Gav gogonai Gigo.

Gov havani na qeromai,
Gav ron silon Tata.
Lol Gigo, Nitun God Rahu
Gav to gi samara.

Teti, gav hago imamai,
Gav togo vai tuai
Lol tamata i mahuri
Abema Jesus Christ.

Ta sigai radu, atatu
Vihav mabu te teti,
Gav hivo bul abema, Lord,
Huri Nom lalago.

Gov tura kamai, Jesus Christ,
Gai vora kunigo.
Gav to abema amare
Lol Ute Noma Lord. Amen.

S. Michael maira Angel.

106.

Vatugigi Angel tari
Ram do dadalis goro God ;
Ram lol iboi gogonai,
Ram avkaria tagaro.

Kera ram lol Non doron nan,
Kun Kea mau ma horara ;
I tavalura ram matu
Men turai kamai halataa.

Lord, horara rav tomuai
Kamai teti la halamai :
Baten kamai gam maturu,
Rav siv radaigoro kamai.

Kunia Satan vi van dagai,
Qatigoro vorai vina ;
Kamai gav to vainonaiha
Abera Angel Amare. Amen.

S. Luke.

107.

Kamai gam avkarigo, Lord,
Nomai Priest i Tabetabe,
Huri atatu sabuga
Ma rava Nom Avoana.

Gom gita lua i Saint Luke,
Men seserai baravarai
Nom togoana halataa,
Naturigi i atatu.

Ma ravae lalai kamai mau,
Iboi tavuha gairua,
Non Sakarias huri John,
Non Mary huri Nituna.

I kea magahena nan
Ma rava huri Simeon,
I gin matamai dluai
Gav gita dum varahuma.

Matatawaga tavuha,
Ma bului tuana Paul,
Ma do bul radu abena
Ira tuana ram bano.

Gov lol kamai be gav togo
Kun Nom atatu sabuga ;
Vainonaiha kamai maia,
Gav gita dum lolmatama. Amen.

Palm Sunday.

108.

Van rahui la Ihan Lord !
Sinobu ram bev Hosanna ;
Varahu magemu Gov van
Gin rau Palm la lolmatama.

Van rahui lol rorona !
Noma be Goi mate nan,
Jesus Qatun muramura
Goro matean qatigoro.

Van rahui lol gigita !
Angel sinobu lol mahao,
Ram gita gin *dananana*,
Mateana ma dumia.

Van rahui gin rorono !
Viluslusi ma do radu,
Gita, Tata ma hohovi
Nituna be vi hae mulei.

Van rahui, Ratahigi !
Van rahui lol matean !
Gom *lin galkalinigo* mai,
Gom ratahigi mulei. Amen.

Easter.

109.

Christ ma domare mulei ;
Christ ma dug gao matean ;
Rorontai na silora,
Ram savsavi amare.

Alleluia !

Kea ma *ron magemu*,
Ma mate huri gida,
Gida tav samsamara,
Tav lol iboi mulei.

Alleluia !

Ma *ron gagarasi* mau,
Ma dogo magahena,
Ma rahu lol sarina,
Ma dataro livugan.

Alleluia !

Ma dogo *guqen* gaitol,
Alolon lulun vatu ;
Ma loli hurin Leo,
Ma domare mulei.

Alleluia !

Kea ma hora gida
Be tav seserai Leo,
Tugu kaburai vuro,
I Tomarean mulei.

Alleluia !

I Gigo i Lamb non God,
I nomai Tataroi,
Gov lai dagai vuromai,
Gav samara tagaro.

Alleluia ! Amen.

Whitsuntide : Pentecost.

110.

I tuai God ma hivo mai
Lol Non rorono mau,
I maligo ma hilia
Ma dalis goroe.

Kea ma hivo mai mulei,
Rorono, tabeva.
Ma bisirai kun manqona,
Alun Nit-atatu.

Lord ma hivo la Pentecost,
Kun lan ma here mai,
Memean gabi ma dogo
La qatura Hala.

Ira Israel ram ronoe,
Dumdumin lan gaivua,
Ma seserai lalainira,
Vui ma hiv mulei.

Ma hogoni Uloilua,
Ureure mulei,
Sigen wasi nu kun watu
Ma do vuroi nan.

Bere gam *ron* daligi, Lord,
Gov hivo mai mulei.
Varahu gin tabeana,
Sa gin mataguan. Amen.

Ganisabuga.

111.

Bread Atamare, Gom lai
Vihogoma gi gamai.
Gigo, Matevol kamai,
Varahu atmatemai.
Vataha gu~~gen~~ Gov turai
Kamai ra madamada.

Lol Laha, Gov hogoi
Dagama masin mamai ;
Nom Mata-hogohogo
Ma lol melmelo kamai.
Jesus, Gov gaos kamai
Gi Noma *nan* vai tuai. Amen.

CAROL GAHA

HURI CHRISTMAS.

1.

Bora sinen rara nan
Lalai gida atatu
Varahu ma bora mai,
God ma dataleo tuai.
Gugen Christmas tavuha,
Masin bon varahuva,
Lol vataha vanua,
Christ ma bora Bethlehem.

Ratahigi vai tuai,
Nu tau ginau dului ;
Gitae, ma do magemu,
Ma eno lol tanon cow.
Gugen.....

Ira radaigoro sheep,
Ram lala rovovo mai ;
Ram bat avoanana,
Jesus Christ ma bora mai.
Gugen.....

“ Abemai lol ute bon,
Ra Angel ram bisirai ;
Leo tavuha ram bevea,
Varahu ma bora mai.”
Gugen.....

Naturigi sabuga,
Gom dabe masi kamai ;
Gom dau dagai sinen God
Be goi mate vol kamai.
Gugen.....

Jesus lolomagemu,
Gomen vagahi kamai ;
Be binihi magemu,
Gav huri malelema.
Gugen.....

2.

Silo Noel ma bavora mai
Lol gugen nan kea aben Bethlehem.
Ira Angel ram mai mai Leo
Lalai radaigoro la qoqon-boni ;
Noel, Noel, Noel, Noel !
Ma bora noda Ratahigi.

Gabe, Masin Leo lalai atatu,
La vanuan David ma bora Varahu.
Hage ram domare ram gitae
Naturigi lol tano-gan-cow.
Noel !.....

Ta ma bisirai vai bano visiu
Ra Magoi ram hige huria,
Ratahigi ma bora behe ?
A Bethlehem hagea ma bora Christ.
Noel !.....

Gida mulei tai bano huria
Tai vevhuri huri roroi Non Leo ;
Gida mulei tav huri visiu
Vi lai gida noto vai huri Christ
Noel !.....

3.

Lol iboin Jesus
Vatugi Angel sinobu,
La tavola Judah
Uloiroron God.
Ma bora la vanuan David
Kea Christ i Lord.
Tamata, Tabeana,
Jesus, Emmanuel.
Lol iboin Jesus,
Uloiroronia
Ma hivo mai Amare
Ma bora Bethlehem.

Lol iboin Jesus
Vataha sinobu gaha,
God ma bora atatu,
Masin Varahuda.
Maira Radaigoro
Gogqnai i Lord,
Giv siolo goroe
Jesus, Emmanuel.
Lol iboin Jesus.....

Lol iboin Jesus,
Uloilua avkaria,
Gida gaha tam *gogo*
Men uloiroron Christ.
Ra Angel Atamare,
Gida ta halataa,
Tav uloiroronia
Jesus, Emmanuel.
Lol iboin Jesus.....

4.

Lol iboi samsamara,
 Seserai rorona ;
 Ira Angel atamare,
 Ram siv bev serainia.
 Tamata aben atatu
 Lolotavuha ataa,
 Christ i Lord ma hivo mai,
 Ram lai rorona keki.
 Lol iboi samsamara,
 Seserai rorona ;
 Avkari God lol mahao,
 Sarisari vatuwai.

Ira Mataisao ram himai
 Mai ginau tavuha,
 Gold, i mur, i gai bonboni,
 I raumatan vatu.
 Ram hige na Ratahigi
 Nora ata Israel.
 Gita ! lolo ima cow
 Naturigi Sabuga.
 Lol iboi.....

Kea ma hav hige tehe
 Ute non atatu.
 Hage ma mate magemu
 Alun Non Volvolo.
 Masin Varahuda Kea,
 Ram dovoe huria ;
 Gida loli lalainia
 Iboi samsamara.
 Lol iboi.....





